

東

窗

集

天

宮

地

東
窗
集

四庫全書珍本初集

集
別集
部
類

詳校官庶吉士臣翁樹培

侍讀臣孫球履勘

商務印書館
部中央圖書館
處委託景所故宮
博物院所藏文淵閣本

欽定四庫全書

集部四

提要

東窓集十六卷

別集類三 宋

臣等謹案東窓集十六卷宋張擴撰擴字彥質一字子微德興人宋史不為立傳江西通志載其崇寧中進士授國子監簿遷博士調處州工曹召為秘書省校書郎尋充館職南渡歷中書舍人當有所據也宋志載擴東窓集四

十卷又詩十卷而陳振孫書錄解題不著於錄則在宋末已不甚傳故元明以來談藝者罕相稱引惟永樂大典尚多錄其詩文其為中書舍人時所作制詞尤夥大抵溫麗繇密與汪藻可以聯驅謹採掇編緝釐為一十六卷其為秦檜追贈祖父及万俟卨兼侍讀諸制極詞諛頌紕繆殊深考王明清揮麈餘話稱擴為著作郎其兄秘書少監楚材新婚約

觀梅西湖擴賦詩有折歸忍負金蕉葉笑挿
新臨玉鏡臺之句秦檜見之大稱賞曰旦夕
當以文字官相處遷擢左史再遷而掌外制
是擴本因檜得進故假草制以貢媚其為人
殊不足道然擴所交遊如朱翌曾慥呂本中
徐俯皆一代勝流切劘有助故詞采清麗斐
然可觀要亦未可盡沒也其中贈顧景繁詩
龔明之中吳紀聞僅載有五十六字厲鶚宋

詩紀事遂引作絕句二首今檢閱舊文乃知
為七言古詩二篇明之特節錄數語鶚蓋未
覩斯集是以傳訛亦足云罕觀之笈矣乾隆
四十六年九月恭校上

總纂官臣紀昀臣陸錫熊臣孫士毅

總校官臣陸費墀

膳錄監生臣張曾壇

欽定四庫全書

東窓集卷一

宋 張擴 撰

五言古詩

子溫姪用再聞誦新作突過黃初詩作十詩見
遺軌勉強次韻

小人無遠謀湮沒如湛輩
胸中氣奄奄垂盡鼓一再安
知翰墨場李杜凜然在文章
作甘棠百世負遺愛

退休小得計耳冷百不聞
戎馬叵奈何四郊尚兵氛
眼

中習主簿才似李將軍小試未為屈有君如華勲
十年功名心客枕寄歸夢衆中不卓立老大復何用收
身入禪寂蔬茹飽僧供蛙鳴誰官私聊欲當絃誦
大道昔彫喪夷塗日荒榛進無活國謀俯仰多由人人
生幾何時夜旦互相因往者不可作未妨來日新
國風久淪亡毛鄭紛六鑿譬如秋水篇破壞向與郭千
年見淵明五字配前作誰傳古人訣定自顧方略
吾詩窘時窮章句羞拙訥君詩非吾偶齊大輕鄭忽雷

門不敢過西施忌唐突政當就阿戎談天搜理窟

贈篇最崛竒披讀輒三過巧如媧皇手五色補天破珍
宜宗廟享淨戒兒女浣誰能續離騷且用追楚些

達人雲間鶴初不謀稻梁渠有酒百壺買舟從伯郎世
間乳臭兒衣服誇玄黃豈識衛叔寶胷中無膏肓

躬耕良苦辛十畝手自鋤我窮分定耳矧復憐封胡君
今未三十詩聲殿黃初後生要努力勿及八杖扶

連門水竹居照映麋鹿姿子戴靖節巾得我如遠師花

黃催重九羽葆雜金規未能沽酒飲且賦止酒詩

子溫縣丞姪長篇見贈并攜少卿伯父梅堂所
賦絕句相示翰墨宛然嘆息久之因次其韻

平生張洪州豪氣壓羣士唾視狗鼠輩紛紛何足數晚
登文石陛劒服峨櫺具高論忍違時所愧罔君父至今
家集中秩秩有倫次流傳到諸孫誰復步亦步此翁日
已遠疇昔旦暮遇何溫少也爽芝蘭秀而紫狀貌類洪
州談笑了萬事筆端見微銍妙解如削鑿精剛金百鍊

該貫龜五聚俗學不足詆紛綸或殊趣斯文懸諸天字
字有分付詖詞頗亂真蕪類少刪去吾子壯且勇政在
戒逸豫昨者忽過門短袖出長句軒然襴正平坐誦鸚
鵡賦洞庭莽空濶終日奏咸濩初非郭林宗豈識黃叔
度但驚錦囊文及此春秋富未能賞雌霓且復說奇字
吾年過半百世事亦何慕杖屨相扶攜筋骸日僵仆猶
於五字中彫刻歎氷柱習氣未易掃貪味如桂蠹肯借
梅堂篇風流憶張緒珍藏幾何時應有神物護今晨偶

金定四庫全書
卷一
開展英彩照江阜後生要着鞭探討及微處遺予真過
矣娟潔忌沾汗清夢渺春草俚談羞秋杜慎勿索其餘
恐君癡叔似

次韻大年姪見贈古詩二首

人生幾何時心地要平曠不須意外求辛苦尋筠簪此
郎有高處智出百夫上禪窓接輿語眉宇春盎盎詩壇
久失律齋戒欲謀將誰專筆陣功定起太公望

君文秋水篇曲士羞臆度吾文元尚白窮老甘寂寞向

來失宗盟士氣日卑弱後生苗未秀況復病草惡如君
真挺特文字獸一角頭風吾何憂解后當勿藥

大年耆年各賦長篇投名詩社中顧景蕃及伯
初子溫二姪傳誦喜甚子溫有詩因次其韻

諸君總能詩字字兼忠信聯章輒驚人我老終不近朝
來試披讀花雨亂巾衽獨慙草元迂浪說周易準至今
覆瓿謗文字愧小謹昨觀兩雄篇詞采溢肝腎高參風
雅淳俯謝邊幅窘誰能報殺役怒語激先軫吾軍老而

怯望敵倒戈盾會看兩猶子秋風橫鴈陣

蓬萊室

巨鼇戴浮水屹然瀛海中斷取入君手
素葉懸鉞鋒君本山中人俗子那用逢
猶應謁帝夢佩環搖天風

子溫作驅瘡詩伯初與顧景蕃皆屬和蕃以謂
不當止酒初以謂宜鍊元氣予亦戲次其韻

小兒私化權令行錯窮冬淫瘍薄皴膚欲戰壘塊胸道
人寢不平怒髮忽上衝饒夫猶收痂義士唯吮癰快無